


KOMMUNIMUT PILERSAARUMMUT TAPILIUSSAQ 1A6-3, Qaqortoq & Avannarliit, Nuuk

Agusti 2018



KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigut malinnaatitsissalluni. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguiteqartoqartillugu imaluunniit ilanngussisoqartoqartillugu ingerlaavartumik isumagineqartarpooq.

Kommunalbestyrelse kommunimut pilersaarummut tapiliussamik nunaminertamik atuinissamutsanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Taamaattorli taakku saniatigut Kommunalbestyrelse pisussaalluni, sukumiisumik aalajangersagartalimmikkommunimut pilersaarummut tapiliussaliussalluni:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq marlunnik imikkoortortaqarpoq, nassuaatitaa aamma aalajangersagartaa.

- Nassuaammi kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq nassuarneqarput.
- Aalajangersagartaa aalajangersakkaniq pilersaarummik piviusunngortitsinermi malinnaatitsissutigineqartussanik imaqarpoq. Aalajangersakkat pingarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkant sukumiisunit immikkut akuersisummik tunniussisoqarsinnaavoq. Tamatuma saniatigut aalajangersagartaa inatsisitigut pituttuisunik ilanngussanik nunap assitaqarpoq.

Tamanut nalunaarut

Kommunimut pilersaarummut tapiliussaq 1A3-6 inaarutaasumik atuutilersutut tamanut nalunaarutiginerqarpoq ulloq 31.08.2018

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI

1 NASSUIAAT	4
1.1 Pilersaarusrusiorfiusoq	4
1.2 Siunertat tunngaviillu	4
1.3 Pissutsit pioreersut	5
1.4 Pilersaarummi pingaarnersat	11
1.5 Pilersaarummut allamut tunngassutillit	15
1.6 Pilersaarummut tapiliussap inatsisitigut atuuffii	17
2 AALAJANGERSAKKAT	18
3 AKUERINEQARNERANI ATSIORNERIT	24
4 Ilanngussaq	25

1 NASSUIAAT

1.1 PILERSAARUSIORFIK

Immikkoortup ilaa 15 ha.-it missaanniippoq Nuullu illoqarfittaaniilluni. Sumiiffik inissiaqarfiuvoq ilaqtariinnut ataatsinuunerusoq illoqarfiusoq ilaatigut allanngutsaalisaalimmi. Pingaartumik Qaqortoq illoqarfimmi innuttaasunut tikeraanullu immikkut pingaaruteqartuuvoq. Taamaattumik illoqarfiup tamassuma ilaata annertusarneqarnissaanut ilutigitillugu illuliortaatsimi naleqartitat allanngutsaaliorneqarlutillu illersorneqassapput. Taamaalillutik naleqartitat, amerlaqisunut pingaaruteqartut maannakkut kingulissatsinnullu qulakkeerneqassapput.




Fig. 1: Immikkoortup ilaa 1A6 tulluarsarlugu siunissamilu qanikannersumik ineriertortitsinissamut pilersaarutit - Sissaq sinerlugu aqqut ilanngullugu (tungujortumik titarnilik)

1.2 SIUNERTAA TUNNGAVIILU

Kommunimut pilersaarummut tapiliussatut siunnersuutip tapiliussaq 1A6-2 taarsissavaa, siunissamilu sumiiffiup annertusarneqarnissaanut nutaanik malittarisassiornikkut qulakkeerneqarnissaanut suliaalluni.

Kommunimut pilersaarummut tapiliussaq imaattunik siunertaqarpoq:

- sumiiffimmi oqaluttuarisaanermut naleqartitat kingulissatsinnut takusassanngorlugit allangutsaalineqarnissaat qulakkeerneqassasoq. kommunimut pilersaarummut tapiliussami qulakkeerneqassaaq, sumiiffiup immikkullarissumik isikkua pigiinnarneqassasoq, aammalu illut sumiiffiillu eriagisariaqartut Nuummi illut illulioraatsillu oqaluttuarisaanermut pingaarutilittut qulakkeerneqassasut.
- nunamiit imaaniillu illoqarfiup takujuminartuunissaat qulakkeerneqassasoq.
- sumiiffik najugaqarfigiuminartuaannarlunilu inuuffigiuminartuaannassasoq, ullumikkut siunissamilu qanittumi.
- Illunik aserfallatsaaliineq, allangortiterineq nutarterinerlu illulioraatsimut, atortunut oqaluttuarisaanermullu atatillugu naapertuuttumik pinissaa,
- illut pioreersut tamaaniittut erseqqissumik malittarisassaliorfigineqarlillu aalajangersaaffigineqarnissaat, tamatumunnga ilanngullugu alliffissaqarnissaannut periarfissat
- isaterinermut atatillugu nutaamik illuliornissamut malittarisassaliornissaq, tamannalu eqqaani illunut naleqquttuunissaat qulakkeerlugu pissasoq.

1.3 PISSUTSIT PIOREERSUT

Immikkoortoq marlunngorlugu immikkoortut ersarissunngorlugit agguarneqarsinnaavoq, Qaqortoq aamma Avannarliit, takussutissami 1-im i takuneqarsinnaasutut.

Qaqortoq kimmuit sissaq sinerlugu killeqarpoq, avannamut aamma avannamut kangimut Imeqarfiup Ilinniarfissuullu tungaanut qaqqap sivingarnanut killeqarluni. Kujammut Qaqortoq aamma Avannarliit qaqqajunnamik killeqarput, aqqusineq Uulineq napillugu immikkoortoq avinneqarluni.

Avannarliit sissaq sinerlugu kimmuit kujammullu killeqarpoq, kangimut naaneqarluni Aqqaluup Aneerasaartarfiata tungaanut illut tungaannut.

Sanaartukkat

Qaqortoq aamma Avannarliit tamarmik immikkut ersarissunik illuliorfigineqarsimapput, tamatumani Qaqortoq assigilaamik inissitsitikkanik sanaartorfiulluni Avannarliit assiigiiinginnerusunik nunamilu nalaatsornerinnaasumik inissitsitikkanik sanaartorfiullutik.

Sumiiffimmi illuutit arlallit eriagisarialittut isigineqarsinnaapput, tamatumani pineqarput:



Fig 2: Sumiiffimi illut eriagisariallit tassapput: B-843, B-149, B-841, B-292, B-978 aamma B-979

Illuuit inissisimaneri ilanngussaq 1-imik takuneqarsinnaapput.

Tulliuttuni sumiiffiit taakku marluk naatsumik nassuiardeqarput:

Qaqortoq



Fig 3: Qaqortumi illut nuugissunik qaliallit.

Sumiiffik ataatsimut isigalugu eriagisariaavoq, pingaartumik sanariaatsimut ilusaannullu tunngatillugu.

Qaqortumi sanaartukkat amerlapput Nuummilu sanaartukkat sinnerinit allaanerullutik, tassami sanileriiaaqqissaarlutik imminnut qanittunnguullutik sanaajugamik. Sanaartukkat tassaanerupput typehusit GTO-p illussanik titartaanermut allaffianit titartarneqarsimasut 1950-ikkunni 1960-ikkunniliu sanaat.

Pingaartumik immikkualuttoq 1-imi sanileriiaaqqissaarneri malunnarput, tamaani boligstøttep illuatillut type 18-it takussaanerummata. Typenik taakkuninnga sanaartukkat assigiinngitsunik qalipaatillit eqimasumiinnerisa nunallu pissusia erseqqissarpaa.



Fig 4: Sungaartumik nalunaaqutsikkami takuneqarsinnaavoq avannaata tungaani illut qanoq eqimatiginersut, aappaluttumillu nalunaaqutsikkami kujataatungaaniittumi siamasinnerullutik ssigiinnisitaarnerullutilluunniit.



Fig 5: Type 18 Qaqortumi ilisarnaataasut, pingaartumik avannamut qiterpasissuani (immikkoortup ilaani 1-imi). Uuttuutit najoqqutassiissutaannaapput, uuttortaanerlu tunngavigalugu suliaanatik



Fig 6: Assit oqaluttuarisaanermut tunngasut Jette Bangip 1956-58 miss assilisai

Illut avannarpasissuaniittut isikkui allannguuteqanngillat, kujataatungaaniittulli illut ataasiakkaat isikkui allanngortiterneqarnermikkut allanngorsimallutik. Kisianni GTO typehuset arlallit paarilluakkat tamaaniippuit, pingaartumik typehusit mikisut, soorlu type 16 aamma 25.



Fig 7: Typet assigiinnngitsut marluk type 16 B-667 & B-669.



Fig 8: Type 5. (B-1197/ B-1196/ B-1195)



Fig 9: Type 25 sumiiffimmuit naaleqqussarlugu (B-1201/ B-1202/ B-1203)



Fig 10: Type 67/12 (B-1471)

Avannarliit

Fig 11 og 12: immikkoortumi illut assigiinngisitaartut.

Avannarliit immikkuualuttumi kujataatungaaniipput. Sanaartoriaaseq tamaani assigiinnginneruvoq. Tamaani aamma ilaqtariinnut ataatsinuunerusoq illut sanaajupput. Sanaartukkat ilparujussui kangerlummut isikkivigillutik qullassisummiipput. Avannarlerni ukiuni kingullerni allangngortiterisoqangaatsiarsimavoq tamatumalu kinguneraa sumiiffimmi illut imminnut qaninnerat, isikkumikkullu assigiinngisitaartorujussuullutik, illunut Qaqortumiittunut sanilliullugit.

Immikkoortup ilaani avatangiisit

Immikkoortup ilaai Nuup qiterpasissuanut qanittumiippoq, illoqarfiup avannarpasissuanilluni. Kimmuit sumiiffik imaanit avatangerneqarsimavoq avannamullu Imeqarfiup eqqaani sumiiffik sanaartorfiunngitsoq ippoq, tamannali siunissami qaninermi annertusaavagineqallattaartussatut pilersaarutaavoq. Kangimut Ilinniarfissuaq ippoq illorpaaloqarluni, immikkoortup ilaani erseqqismumik takuneqarsinnaasutut. Kujammut immikkoortup ilaai Aqqaluup Aneerasaartarfianut Nuullu saavanut killeqarpoq. Avannarliit eqqaat Nuup saavanit portunerulaamiippoq, kujataaniillu ersarissorujussuulluni. Seminariaqarfimmi Nuullu saani illoqarfiup illuutai eriagisassat ilarpassui inissismapput, Nuullu illoqarfiata avannamut kippasissortaa tamarmi oqaluttuarisaanermut pingaarutilittut taaneqarsinnaalluni.

Nunataq nunallu ilusaa

Immikkoortup ilaata avannarpasissortaa kitaanit kangimut qummukajaannguami inissismavoq. Avannarliit eqqaat qattunersaavoq kujammut kimmullu isikkivigillutik. Qaqkartangaatsiarsuaq Qaqortumik Avannarlernillu Uulerngup kangiani avissaartitsisuuvoq. Sumiiffimmut aqqut kujataaneersuuvoq Gertrud Raskvej sumiiffimmut pingaarnertut aqquaalluni. Tamaani illunut aqqusineerarpaaloqarpoq. Nuummi sissaq sinerlugu aqqusinniorqarnissaa pilersaarutaavoq, illoqarfiup ilaanit Qernertunnguit tikillugit aqqtigineqarsinnaasumik.

1.4 PILERSAARUMMI PINGAARNERIT

Atorneqarnera

Kommunimut pilersaarummut tapiliussami aalajangersarneqarpoq inissiaqarfiusasooq ilaqtariit ataatsit illuinik illullu affarleriikkaanik sanaartorfiusoq, aammalu inissiaqarfinni ajornartinneqassangippat aatsaat inuussutissarsiorfeqarsinnaasoq (aalajangersagartaa takuuk).

Atorneqarfissaa




Fig 13: Sumiiffimmi immikkualuttut pingasut.

Sumiiffik immikkuualuttunut pingasunut agguardeqarpoq 1, 2 aamma 3-mut.

Sumiiffik tamakkerlugu sanaartorfioresutut nalilerneqarmat, annertusaaffiginissaanullu killeqartorujussummat, tamakkua killilersimaarneqassapput, sumiiffiup najugariuminartuujujaannarnissaa qulakteerniarlugu. Illut ilangussaq 2 aamma 3-miittut kisimik pineqartut, allissuteqartinneqarsinnaapput. Allilerinerimi nutaamillu sananermi tunngaviit tassaapput:

- Illup toqqaviatigut 100m² qaangissanngikkaa imaluunniit ataasiakkaani 120m² qaangissanngikkaa
- Ilangussani 2-mi 3-milu tikkuutit naapertorlugit allilerisoqarsinnaavoq
- Qaliata sammivia ilangussani 2-mi 3-milu takutinneqartutut sammiveqassaaq.
- Silataasa killingi ilangussat 2 aamma 3 naapertorlugit, taakkulu qaangerneqassanngillat.
- Eqqaamiunut illup ungasissussaa qaninnerpaamik 10m malinnejqassaaq.

Tunngaviit qulaani taaneqartut kingunerisaannik imaassinggaavoq, immikkuualuttumi eqimasunik sanaartorfiusuni illut allilerfissaarutissapput, sanilerisap allilerineratigut ungasissussaaq 10m-imiit qaninnerulersippagu.

Taamaattumik Kommuneqarfik Sermersuup illumik ilasioqassatillugu allilerisoqassatilluguluunniit sanilerisanut nalunaartarnissaq pissuserissaarnerusoraa.

Sanaartukkat

Immikkuualuttoq 1



Fig 14: Illut affarleriit assigiaat (type 18) immikkoortoq 1-imiittut

Tassaapput Qaqortumi immikkut eriagisariallit inissisimaffiat. Sanaartukkat tassaapput illut affarleriit killilimmik allilerneqarsimasut. Figur 4-mi takuneqarsinnaavoq, sanaartukkat

ilusaat qanoq ittuunersoq. Illut ullumikkutut isikkui allanngortinnagit alutornassusertik pigiinnassavaat, soorlu sumiiffimmi tamarmi sanaartukkat eqimasorujussuusut. Illut affarleriit ilaqtariinnut ataatsinut illunngortinneqarnissaannut periarfissaqarpoq. Immikkuualuttup killeqarfiaita iluani illumik isaterisoqassasoq nalilerneqarpat, taanna isaterneqartumut assingusumik sananeqassaaq. Sanaartukkat sammivii, illut qimerluisa sivinganeri, isaterneqartullu naqqaniit portussusia attatiinnarneqassapput. Taamaalilluni sumiiffiup immikkuullarissumik eriagisariaqartuunerata attatiinnarneqarnissaanik kissaateqarneq naammassineqassaaq.



Fig 15: Illut affarleriit assigiaat (type 18) immikkuualuttoq 1-imi eqimasumik inissisimaffillit

Immikkuualuttoq 2



Fig 16: Immikkuualuttoq 2-mi illut mikisut inissisimapput

Tamaaniippoq Qaqortup sinnera. Sumiiffik ilaqtariinnut ataatsinut illoqarpoq taakku amerlanersaat annertuumik allilerneqarsimallutikallanngortiterneqarsimallutilu. Illulli ilaat ullutsinnut naleqqutinngillat piarneqartussatut illututnillu nutaanik taarserneqartussatutnaatsorsuutigineqarsinnaallutik. Sumiiffimmi illut minnerusut allilerneqarnissaannut inissaqarpoq, tamakkulu pisinnaapput aalajangersakkat allaaserinerani malittarisassat iluanni.

Ataatsimut isigalugu sanaartukkat sanaartoriaatsillu attanneqarnissaat sulissutigineqarpoq, ilaatigut sumiiffiupqanoq ittuunera attanniarlugu, ilaatigullu isikkiveqarnerup tamanut assigiissuutinnissaa qularnaarniarlugu alliliinissamullu periarfissaqartitsiniarluni. Sanaartukkat sammivii, illut qaliaasa sivinganeri, qallutinik toqqaaneq sanaartukkallu nutaat qalipaataat attanneqassapput. Sumiiffik akulikitsunik sanaartorfiuvoq kikkulluunniillu isikkiveqaannassappata qaamasumillu inisisimaannassappata alliliiniarnermut piumasaqaateqarnissaq pingaaruteqarpoq. Qaliat naqqullu ataat atorluarlugit alliliinissamut nutaanillu sanaartornissamut periarfissiisoqassaaq. Sanaartorfinnik immikkoortitsisoqassaaq, nutaanik sanaartorfiusussanik.

Immikkuualuttoq 3.



Fig 17: Immikkuualuttoq 3-mi illut assigiinngissuteqartupilussuit

Tamaaniippoq Avannarliit. Immikkoortup ilaata sinnerata akerlianik tamaani sanaartukkat assigiinnginnerupput assigiinngissuteqarnerullutilu. Sanaartukkat aamma tamaani ilaqtariinnut ataatsinut illuunerupput. Sumiiffimmi arlalinnik illoqarpoq mikisunik ullutsinnullu naleqqutinngitsunik. Aamma tamaani illut akulikimmata alliliinissamut periarfissanik iluarsiisoqartariaqarpoq. Tamatumma saniatigut illuutit nutaat qalipaatissaannut tunngatillugu ataasiakkaanik najoqqtassaqartitsisoqassaaq. Ilangussat suuneri takukkit 5. Immikkuualuttup avannarpasissortaaniippuit illut eriagisarallit Aqqaluup Aneerasaartarfianut atasut, Kommunalbestyrelsimit Nunattalu Katersugaasivianit/Namminersorlutik Oqartussanit akuersissutitaqartinnagit isaterneqaratillu allanngortitigassaannngitsut.

Angallannermut tunngasut aqqutillu

Sumiiffimmut aqqut Gertrud Raskvejimoopoq, tassanngaanniit sumiiffimmi inissianut aqqutit naallutik. Avannarliit aamma Qaqortoq immikkoortuupput marluk Gertrud Raskvejimut Uulinermullu atasut. Inissiat tungaannut aqqutit, aqqusineeqqat tummeqqallu illunut ataasiakkaanut aqqutaapput.

Nunataq / Sanaartorfiunngitsut

Sumiiffiit sanaartorfiunngitsut sukisaarsarfittut atorneqassapput, pinngortitarluunniit taamaatsiinnarlugu uninngatinneqassalluni. Illooreersunik alliliinernut allangortiterinernullu atatillugu nunap ilusaa kingornatigut pilerseqqinnejassaaq. Nunap ilusaa killilimmik allanngortinneqarlunilu iluarsartuunneqarsinnaavoq, aammalu illut ataasiakkaat isikkiviat kisiat piinnarlugu tamanna pissangilaq.

1.5 PILERSAARUSIORNERNUT ALLANUT TUNNGATILLUGU PISSUTSIT

1.5.1 Nuna tamakkerlugu pilersaarusruneq

Kommunimut pilersaarummut tapiliussaq nuna tamakkerlugu pilersaarusrnermut naapertuuppoq.

1.5.1 Kommunimut pilersaarut

Kommunimut pilersaarummut tapiliussaq Kommunimut pilersaarut Sermersooq2028-mut ilaatinneqarpoq. Sumiiffik Kommunimut pilersaarummut tapiliussami 1A6-imippoq kommunimullu pilersaarummi siamasissunik pukkitsunik ilaqtariit ataatsit affarleriillu illuinik illuliorfissatut immikkoortitaalluni.

1.5.2 Qanganitsat eriagisassat imaaliinnarlugit peerneqarsinnaanngitsut

Immikkoortup ilaani qanganisaqarnersoq Kommuneqarfik Sermersumi ilisimaneqanngilaq. Allanngutsaaliuisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq sumiiffimmi naapertorneqarpoq.

1.5.3 Avatangiisit

Immikkoortup ilaani assaanermi mingutsitsisoqarsimasoq paasineqarpat, Kommuneqarfik Sermersumi Ingerlatsinermut Avatangiisinullu immikkoortortaq ingerlaannaq ilisimatinneqassaaq.

Eqqakkanik avatangiisinut navianaatilinnik suujunnaarsitsinerit, assersuutigalugu issoq uuliamik mingutsinnejqarsimasoq, kommunimi eqqagassalerineq pillugu malittarisassat aamma suliassaqarfik tamanna pillugu inatsisit naapertorlugit pissapput.

1.5.4 Teknikkikkut pilersuineq

Inissialiat nutaat pisortat innaallagissamut imermullu aqquaataannut aamma kuuffissuarnut attavilerneqassapput.

Innaallagissamik, imermik kissamillu pilersuinermut aqqutit aamma kuuffissuit nunap iluatigoortinnejassapput.

Immikkoortup ilaani pisortat teknikkikkut atortulersuataat, soorlu immikkoortup ilaanut pilersuinernut sakkortusaaviit inisinnnejarsinnaapput. Nukissiorfiit siunersiorlugu sakkortusaaviit inisinnnejassapput.

Kiassarneq

Immikkoortup ilaata kiassarnejarnissaa Nukissiorfinni malittarisassat malillugit pissaaq.

Kuuffissualersornerit

Sumiiffimmi illut ataasiakkaat suli kuuffissuarnut attavilerneqanngillat, tamannali siunissami qaninnermi pissaaq. Inissialiat imikoq pillugu iliusissatut pilersaarut naapertorlugu pisortat kuuffissaataannut attavilerneqassapput.

Nunap qaavani imeq, tamatumunnga ilanngullugu imeq illup qaavanit kuuttoq kuuffissuartigoortinnejassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, aqquteeqqanut, aqqusinernut sanaartorfiunngitsunullu akornusersuutaassanani.

Eqqagassalerineq

Immikkoortup ilaa Kommuneqarfik Sermersuumi eqqagassalerinermut aaqqiinermut malittarisassanut sukkulluunniit atuuttunut ilaatinneqarpoq.

Aputajaaneq apummillu piaaneq

Aput uninngatinneqartoq piaanissarlu pillugit Kommuneqarfik Sermersuumit innersuussineq naapertorlugu ingerlannejassaaq.

Sanaartorfissagissaanernut aningaasartuutit

Immikkoortumi sanaartorfissagissaanermut aningaasartuutit illuatungeriillu akornanni aguataarneqartussat akilersuinissamut malittarisassatigut immikkut ittutigut takuneqarsinnaassapput.

1.5.5 Pilersaarutinik atorunnaarsitsineq

Kommunimut pilersaarummut tapiliussap 1A6-3, Qaqortoq & Avannarliit tamanut nalunaarutigineqarnerani, kommunimut pilersaarummut tapiliussaq 1A6-2 atuuttoq atorunnaarsinneqassaaq.

1.5.6 Tamanut nalunaarutiginera

Kommunimut pilersaarummut tapiliussatut siunnersuut 1A6-3 Qaqortoq & Avannarliit sapaatip-akunnerini arfineq-pingasuni piffissami 3 januaari 2018 – 28 februaari 2018-mut tamanut tusarniutigineqareerpoq

Tamanut tusarniaasoqarnerani 11-nik tusarniaanermut akissuteqartoqarsimavoq, taakkulu kingorna annikinnerusumik allannguinernik arlalinnik allannguisoqarpoq, kiisalu

aalajangiussanik marlunnik ilanngussisoqarluni; ataaseq sallilikat atortoralugit sananermut tunngasoq (21.2.18) aappaalu nunataanik naleqqussaanermut tunngasoq (21.2.2).

Aalajangiussani paragraffit kisitsisilersorneri allanngortinneqarput Pilersaarusrusiornermut Inatsimmut naleqqussaaniarluni.

1.6 PILERSAARUMMUT TAPILIUSSAP INATSISINUT TUNNGASORTAI

Inatsisitigut sunniutaagallartut

Kommunimut pilersaarutissatut imaluunniit kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersummi pineqartut illuliorfigineqassangillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqtiginiarneqassanatik. (Pilersaarusrusiornermut inatsimmi § 31)

Akerliliissuteqarnissamut piffissarititaasoq qaangiuppat aamma akerliussutinik takkuttoqarsimmanngippat Kommunalbestyrelsip nunaminertap siunnersummut ilaatinneqartup atorneqarnissa sanaartorfigineqarnissaalu akuerisinnaavaa, atuineq sanaartornerluunniit siunnersummut naapertuuppata (Pilersaarusrusiornermut inatsimmi § 31, imm. 2).

Inatsisitigut sunniutaagallartut kommunimut pilersaarummut tapiliussap tamanut saqqummiunneqarnissaata tungaanut atuukkallassapput - sivisunerpaamillu siunnersuutip saqqummiunneqarneraniit ukumi ataatsimi. (Pilersaarusrusiornermut inatsimmi § 31, imm. 3).

Inaarutaasumik inatsisitigut sunniutit

Kommunimut pilersaarutip piviusunngortinnejarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (Pilersaarusrusiornermut inatsimmi § 29).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilersaarusrusiornermut inatsimmi § 30).

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpooq. Nikingasoornerit pingarnerit aamma aalajangersakkanit pingarnernit nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilersaarusrusiornermut inatsimmi § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinnejeqassasut.

2 AALAJANGERSAKKAT

Matumuuna Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiorneq pillugu inatsit) kingusinnerusukkut allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

.Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummiq tunniussisoqarsinnaavoq. Aalajangersakkat pingaarerit pilersaarummi tunngaviusumik tunngaviupput taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

§ 20 PINGAARNERTUT AALAJANGERSAKKAT PIOREERSUT

Immikkoortup ilaata killeqarfilsorsorneqarnera

Immikkoortup ilaa ilanngussaq 1-imik takutinneqartutut killilerneqassaaq. Ilanngussaq 1.

Immikkoortup ilaa immikkualuttunut agguataarnedqassaaq, ilanngussaq 1-imik takutinneqartutut 1-mut, 2-mut aamma 3-mut.

Immikkoortoq 15 ha.-juvoq.

§ 20. 1. Siunertaq

Nalinginnaasumik atuineq: A – Inissiaqarfik

- Nunamiit imaaniillu illoqarfiup takujuminartuunissaa qulakkeerneqassaaq.
- Illunik allanngortiterineq illuliortaatsimut, atortunut oqaluttuarisaanermullu atatillugu naapertuuttumik pissaaq.

§ 20. 2. Atorneqarnera

Immikkoortoq inissialiorfigineqassaaq siamasissunik pukkitsunik, ilaqtariit ataatsit illuinik illunillu affarleriinnik. Inuussutissarsiuqeqarfiit killilimmik naleqqussarneqarsinnaapput, makku naamassineqarpata:

- Suliffeqarfik illumi najugalimmit ingerlanneqassasoq.
- Suliffeqarfik ima ingerlanneqassaaq, sumiiffiup najugaqarfittut isikkua allanngortinneqassanani, tamatumunnga allagartalersuineq ilanngullugu.
- Suliffeqarfik sanilerisanut akornusersuutaassanngilaq, soorlu pujuliortuunani tipiliortuunani.
- Suliffeqarfik biilinut unittarfinnik amerlanerusunik pisariaqartitsiffiussanngilaq.

§ 20. 3. Sanaartukkat

Nutaamik sanaartornermi ilusilersuineq, atortulersuineq qalipaasersuinerlu sanaartukkanut pioreersunut tulluarsaalluni ingerlanneqassapput.

Illut init quleriinnit 1 ½-imit portunerussanngillat. Sumiiffik kulturikkut oqaluttuarisaanermut annertuumik

pingaaruteqarmat, sanaartukkat sumiiffimmut naleqqussarneqassapput, taamaattumillu tassunga tunngasumik sukannersunik piumasaqartoqarsinnaalluni.

Nunataa allangortiterneqassanngilaq, illumik portunerulersitsinermik siunertaqartumik.

Nutaanik sanaartornerit suulluunniit annertuunilluunniit allannguinerit tamarmik akuersissutigineqaqqaartassapput, tassuuna qulakkeerniarlugu sumiiffimmi kulturikkut naleqartitat nalequtinngitsumik takussunarsisinneqannginnissaat.

§ 20. 4. Inissaqassuseq

Immikkoortup ilaa tamarmi sanaartorfiuvoq, tamaanilu sanaartorfissanik nutaanik immikkoortitsisoqanngilaq.

Sanaartukkat attuuttut ilalertorneqarsinnaapput isaterneqarlutilluunniit sanaartorfigisassalluunniit atuuttut atorlugit nutaanik sanaartorfigalugit (takuuk ilanngussaq 2 & 3), 100 m²-it tungaanut sumiiffinnilu ataasiakkaani 120 m²-inik annertussuseqassallutik.

Immikkuualuttoq 1:

Immikkuualuttoq 1-imi illooreersut isaterneqassappata, pioreersut naapertorlugit sanaqqinneqassapput. Imaalluni pioreersuni toqqavitsigut portussuseq, nunamiit uutorlugu portunerpaaffia illullu qaliata sivinganera sanaartukkani nutaani pilerseqqinneqassapput.

Sanaartukkat annertussusaat pillugit aalajangersakkat allat immikkut aalajangersakkaniippuit.

§ 20. 5. Eriagisariaqartut

B-149, B-292, B-837, B-843, B-841, aamma B-978 tassaapput illut eriagisariaqartut.

Immikkuualuttoq 1 tassaavoq eriagisarialik. Illut ataasiakkaarlutik isikkoreqqaagaat allanngortinneqassanngilaq, ataatsimut isigalugit sumiiffimmi eriagisariaqarnerat pingaaruteqarmat.

Sumiiffiit eriagisariallit, aamma illut atortulersuutillu eragineqarnissaat noqqaassutigineqassaaq. Eriagisarialinnut tunngasut qulakkeerneqarniassammata allannguutissatut qinnuteqaatinut kommunalbestyrelse piumasaqaateqarsinnaavoq. Sanaartukkat nutaat inissiinermut ilusiliinermullu tunngatillugu immikkoortup ilaata oqaluttuarisaanikkutpingaaruteqassusianut nalequssarneqassapput. Illunik eriagisarialinnik iluarsaassineq aserfallatsaaliinerlu ilusai, sananeqaatai atortuilu ataqqillugit suliarineqassapput.

§ 20. 6. Nunaminertat piumasaqaatitaqarfiusut

Immikkoortup ilaani avatangiisimut piumasaqaateqanngilaq immikkullu killeqarfegarani

§ 20. 7. Aqqusinertigut angallanneq teknikkikkullu pilersuinerit

Immikkoortoq ukunannga aqqusineqarpoq Gertrud Rasksvej, Qaanniviit aamma Heilmannit Aqq.

Immikkoortumi nunap ilusaa imaluunniit naasoqarneranut tunngasut pissutigalugit inissianut ataasiakkaanut biilinut uninngasarfissat akuersissutigineqarsinnaapput.

§ 20. 8. Illoqarfimmik nutarterineq

Illoqarfimmik nutarsaaneq ataatsimut pilersaarusiornikkut pissaaq.

§ 21 AALAJANGERSAKKAT SUKUMIISUT

§ 21. 1. Illut inissinneqarnerat

Immikkuualuttoq 1

- 21.1.1 Ilaqtariinnut marlunnut illut ilaqtariinnut ataatsinut illunngorlugit ataatsimoortinnejqarsinnaapput.
- 21.1.2 Illumik isaterineremi nutaamillu illulioqqinnermi, nutaamik illuliarineqartoq illooreersutut isikkoqartinnejqassaaq.
- 21.1.3 Illuliat tunngaviatigut assigiissapput (Portussutsikkut isikkua ilanngullugu), illup isaterneqartup naqqaniit uutorlugu portussusiatigut, qaliata sivinganeratigut qaliatalu sammiviatigut.

Immikkuualuttoq 2 aamma 3

- 21.1.4 Nutaamik illuliornermi pigineqareersumilluunniit isaterineremi imaluunniit pigineqareersumik allilerineremi 100m² qaangerneqassanngilaq, imaluunniit ataasiakkaani 120m² toqqaviani sanaartorneqareersumi qaangerneqassanngilaq. Nunaminertaq sanaartorfiusoq tassaavoq quit aneerasaartarfiusinnaasullu ilanngullugit.
- 21.1.5 Tunngaviit uku malillugit allilerinerit ilassusersuinerillu ingerlannejqassapput:
 - a) Illup tamakkiisumik tunngaviata 100m² ataasiakkaanilu 120m² qaangissanngikkaat – illunnulli affarleriinnut annikitsumik allilerinissaq akuersissutigineqarsinnaavoq
 - b) Ilanngussani 2-mi 3-milu tikkuitit naapertorlugit allilerisoqarsinnaavoq
 - c) Qaliata sammivia ilanngussani 2-mi 3-milu takutinneqartutut sammiveqassaaq.
 - d) Silataasa killingi ilanngussat 2 aamma 3 naapertorlugit, taakkulu qaangerneqassanngillat.
 - e) Eqqaamiutut illup ungasissussaa qaninnerpaamik 10m malinnejqassaaq.
 - f) Portussutsinut malittarisassat atuuttut (imm 21.2.3 naleqq.) malinnejqassapput.
 - g) Immikkuualuttoq 2-mi illu 100 m²-imit anginerunngippat nunallu assingatut ilanngussami 2-mi 3-milu nalunaaqutserneqarsimannngippat, allineqalaarnissaanut akuerineqarsinnaavoq, tassa illup toqqavia 100 m²-imit anginerussanngippat aalajangersakkanullu allanut naapertuuppat.
 - h) Immikkuualuttoq 3-mi illu 120 m²-imit anginerunngippat nunallu assingatut ilanngussami 2-mi 3-milu nalunaaqutserneqarsimannngippat, allineqalaarnissaanut akuerineqarsinnaavoq, tassa illup toqqavia 120 m²-imit anginerussanngippat aalajangersakkanullu allanut naapertuuppat.
- 21.1.6 Illut eragisariallit allilernerinut ilanerinullu sukannersunik malittarisassaqarpoq, pingaarnertut aalajangersakkani imm. 20.5 aammalu aalajangersakkani immikkuualuttuni imm. 21.7 innersuussutigalugit. Kommuneqarfik Sermersooq tamakku pillugit erseqqissaateqarsinnaavoq.

§ 21. 2. Inissialiat isikkui

- 21.2.1 Sanaartukkat inimik quleriinnik ataatsimik annerpaamik portussuseqarsinnaapput qaliata inissatut atorneqarsinnaanera siunertaasinnaassalluni. Nunap ilusaa malillugu kælderi najugaqarfisassaanngitsutut allatut atorneqarsinnaavoq.
- 21.2.2 Kældereqarnissamut illup toqqavianut killigititaq malillugu nunap ilusaanik naleqqussaanissamik periarfissaqarpoq. Illup portunerpaaffissaatut maleruagassaaq malinneqassaaq (naleqq. 21.2.3)
- 21.2.3 Illuutit portussusaat annerpaamik 8 meteriussapput nunaminngaaniit. Nunaminngaaniit portussuseq illuutip sukaata ataanit portunerpaatut ersitsutut nassuiardeqarpoq.
- 21.2.4 Silatit qisunniq qallerneqassapput. Immikkuualuttoq 1-imut atuupoq, silatit qisuttai ammut qummullu sammisuussapput listilersorneqassallutilu.
- 21.2.5 Illut silatai qisunniq assiaqusorsorneqassanngillat.
- 21.2.6 Illut silatai qangatut qalipaasersorneqassapput, tamanna ilangussami 5-im erseqqissarneqarpoq.
- 21.2.7 Illuni affarleriinni inissiat tamarmik assigiimmik qalipaateqassapput.
- 21.2.8 Immikkuualuttuni 1-im 2-milu igalaat sinaat, matut sinaat, igalaat sinaat, igalaat listii qaliallu sinarsui qaqtumik qalipanneqassapput.
- 21.2.9 Immikkuualuttoq 1-im igalaat qanattlersugassapput qanga igalaarisimasaanut assingusunik – ilangussaq 4 innersuussutigalugu.
- 21.2.10 Igalaartat annerit igalaajoreersutut iluseqartinneqassapput.
- 21.2.11 Aneerasaartarfiliisoqarsinnaavoq, annerpaamik 1,5m-isut itissusilerneqassapput, illullu sananeqaataanut naleqqussarneqassallutik.

Illut toqqavii

- 21.2.12 Sukat annerpaamik illup toqqaviani nunatap portunerpaaffianit 0,5 m-iussapput. Nunataa qattunerasaarpallaarpat toqqavik 1,5m-imut portunerussannngilaq. Sanaartorfissaq Kommuneqarfik Sermersooq isumaqtigineratigut allanngortinnejarsinnaavoq, tassani paasinarsippat illup toqqaviinut nunamiillu illup portunerpaaffiinut piumasaqaatit eqqortinnissaannut tamanna naleqqunnerussasoq.
- 21.2.13 Toqqavuit qernertuusinnaapput, qaqortut imaluunniit beton.

Illut qaliai

- 21.2.14 **Immikkuualuttoq 1-im** qaliat pioreersutut uinganilerlugit qaliat sananeqassapput.
- 21.2.15 **Immikkuualuttuni 2 & 3-milu** qaliat illugiinnik assigiimmik uinganeqassapput 25-45 gradit akornanni sivingassuseqartillugit.
- 21.2.16 **Immikkuualuttoq 1-im 2-milu** takutinnejartutut avannamut kimmuit - kujammut kangimut sammitinnejassapput, soorlu ilangussani 2-mi 3-milu takutinnejartoq.
- 21.2.17 Qaliat qaavi qalissianik qernertunik qalliuersorneqassapput.

21.2.18 Inissiat salliligalersorlugit sananeqaqqusaanngillat.

Aneerasaartarfiiit

21.2.19 Aneerasaartarfiiit annerpaamik 25 m²-iussapput, toqqaannartumillu illumut atassallutik.

21.2.20 Aneerasaartarfiiit qulisaassanngillat. Aneerasaartarfiiit ungalui portunerpaamik 1,20 meteriussapput.

21.2.21 Aneerasaartarfiiit illutip initaasa alliit portoqataattut pukkinnerusutulluunniit taamaallaat sananeqarsinnaapput.

21.2.22 Aneerasaartarfiiit ungalui qisuussapput qalipaataalu illup silataanut naleqqussarneqassapput.

Seqernup nukinganik tigooraaviit

21.2.23 Seqernup nukinganik tigooraaviit eqqaamiunut, akilinut saneqquasunulluunniit inngiasutaassanngillat. Qaliani anianganernilu igalaat

Qaliani anianganernilu igalaat

21.2.24 Qaliani Igalaat akuttoqatigiisillugit inissinneqassapput qalianilu igalaatut anianganertulluunniit ilusilerneqassallutik.

21.2.25 Anianganerit qaliap 40%-iaaniit initunerussanngillat.

21.2.26 Qaliani igalaat silissusaat 1 meterit sinnissanngilaat.

Silaannarissarfiiit

21.2.27 Silaannarissarfiiit assigisaallu illumut ilaatinneqassapput illuutillu ilusaata ilaatut akuliunneqassallutik.

Allagartarsuit

21.2.28 Sumiiffinni suliffeqarfinnut atatillugu allagartarsuit illup silataanut inissinneqassapput annerpaamillu ½m²-iussallutik.

21.2.29 Illumumi pineqartumi suliffeqarfinnut illumumiittunut atasumik taamaallaat allagartaliisoqarsinnaavoq.

21.2.30 Igalaat qallerlugit qalipanneqassanngillat niptiteriffiqineqassanatilluunniit.

§ 21. 3. Aqquserngit aqqusineeqqallu

21.3.1 Biilnik inissiineq inissiamut pineqartumut atasumik nammineq inissiivinni pissaaq.

21.3.2 Biilnik inissiineq inissiamut pineqartumut atasumik nammineq inissiivinni pissaaq.

21.3.3 Sumiiffinni aqqusineeqqiornermi, tummeqqiornermi aqqusiornermilu taakku ammaneqassapput eqqaamiorisamutpissusissamisoortumik atugassatut.

§ 21. 4. Nunaminertat sanaartorfigineqanngitsut sunngiffimmilu atortulersuutit

21.4.1 Nunaminertat sanaartorfiunngitsut siunertanut allanut immikkoortitaanngitsut taamaallaat nunaminertatut ataatsimut atugassatut ilusilerlugillu atorneqarsinnaapput.

21.4.2 Naatsiiviit annerpaamik 25 m²-ussapput toqqaannartumillu illumut ataneqassapput.

21.4.3	Naatsiiviit aniiinganilerneqassangillat. Naatsiiviit ungalui sinaallu portunerpaamik 1,0 meteriussapput, qisunnik sanaat qaqortumik qalipaatillit.
§ 21. 5. Teknikkmut atortulersuutit	
21.5.1	Illuliat nutaat pisortat innaallagissamut imermullu aqqutaataannut aamma kuuffissuarnut attavilerneqassapput.
21.5.2	Imikoq tamarmi kuuffikkut kuutsinnejassaaq. Nunap qaavata ernga kussiamilli imeq kuuffissuakkoortinneqassangillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinnejassapput. ass. kussinikkoortillugu kuutsinnejassalluni.
21.5.3	Sanaartornerit nutaat kiassaatinut innaallagiortunut avatangiisinulluunniit mingutsitsinngitsunik Nukissiorfiit maleruagassaat malittuarlugit nukissiuutlerneqassapput.
21.5.4	Teknikkikku pilersuined, soorlu kuuffiit, innaallagiaq imermillu pilersuineq taamaallaat sanaartugaq nunap iluatigoortitaq aqqutigalugu pissaaq.
21.5.5	Teknikkikku atortulersuutit sakkortusaavillu sumiiffik ataatsimut isigalugu tulluarsarlugit inissinnejassapput taakkulu Kommuneqarfik Sermersuumit Nukisiorfiinniillu akuerineqassallutik.
§ 21. 6. Nunaminertat sanaartorfigineqanngitsut	
21.6.1	Illuummik sanaartornermut atuinerfullu atatillugu nunap qaavanik ajoqusiineq annikitsutinnejassaaq kingornalununap qaava pilerseqqinnejassalluni.
21.6.2	Nunaminertat sanaartorfigineqanngitsut sivisunerusumik soorlu umiatsianik inissiivittut containerinullu inissiivittut atorneqassangillat. Sivisunerusumik uninngasutut isigineqalissapput qaammat ataaseq sinnerpagu.
Eqqagassalerineq	
21.6.3	Nutaanik sanaartornermi nunaminertat pisariaqartinneqartut eqqaavinnut nivinngaavittut containerinullu eqqaavinnut allanngortinneqassapput.
7. Eriaginninneq	
21.7.1	Illut eragisassat ilusaat, immikkualuttortai il.il. eqqarsaatigalugit illu allanngortinneqarsinnaanersoq illussanik titartaasartut nalilertussaavaa. Taamaattumik illup inisisimaffia, titartneqarnera oqaluttuarisaanikkullu naleqassusia pingaarnertut eqqarsaatigineqartarpot. Taamaattumik nalunaarut nr. 31,30. oktobari 1991-imeersoq naapertorlugu illut tamarmik silataannik allanngortiterinissanut sanaartornissamut akuersissummik qinnuteqaateqartoqassaaq.

3 AKUERSINERMUT UPPERNARSAAT

Kommunimut pilersaarummut tapiliussaq una 1A6-3 Qaqortoq & Avannarliit, Nuuk matumuuna Kommuneqarfik Sermersumi Kommunalbestyrelsimit ulloq 28.08.2018 akuersissutigineqarpoq.

Kommuneqarfik Sermersooq ulloq 29/8 2018

Asii C. Narup
Asii Chemnitz Narup
Borgmesteri

/

Lars Møller Sørensen
Lars Møller Sørensen
Kommunaldirektøri

Ulloq 31.08 2018 Kommunimut pilersaarummut tapiliussaq inaarutaasumik atuutilersutut tamanut nalunaarutigineqarpoq.

Ilannuusaaq | Immikkortoq | Immikkualuttuut | 1A6 aamna Immikkualuttuut | 1, 2 & 3
Bilag | Delområde | A6 og Detaljområderne | 1, 2 & 3
Agusti 2018/August 2018
Urtuut | 150000 / Mål 1:5000
A4

0 m 40m 80m 120m 160m 200m

Ilannuusaaq

Bilag

Immikkortoq | Immikkualuttuut | 1A6 aamna Immikkualuttuut | 1, 2 & 3
Delområde | A6 og Detaljområderne | 1, 2 & 3
Agusti 2018/August 2018
Urtuut | 150000 / Mål 1:5000



KOMMUNEQARFIK SERMERSOOQ
Sanarfirermut Avatangisinnullu Ingerlatsivik
Forvaltning Anlæg og Miljø
Kommunimut pilersaarummut tapiliussaq | A6-3
Kommuneplantillæg | A6-3



Ilisarnaatinut nassuaatit
Signaturforklaring

- Immikkortoq / Delområde
- Immikkualuttuq / Detaljområde
- Immikkualuttop normua /
Detaljområde nr.
- Illut pioersut / Eksisterende bygninger
- Illut eriqissasat / Bevaringsværdige bygninger

1D1





KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 1A6-3
Kommuneplantillæg 1A6-3

Ilanngussaq 2 Immikkoortoq 1A6 aamma Immikkualuttut 1 aamma 2
Bilag 2 Delområde 1A6 og Detailområderne log 2
Agusti 2018 / August 2018
Utuut 1:3000 / Mål 1:3000

A4

0 m 40m 80m 120m 160m 200m




KOMMUNEQARFIK SERMERSOOQ
Sanarfimerut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 1A6-3
Kommuneplantillæg 1A6-3

Ilanngussaq 3 Immikkoortoq 1A6 aamma Immikkualuttut 3
Bilag 3 Delområde 1A6 og Detailområde 3
Aggusti 2018 / August 2018
Utuut 1:3000 / Mål 1:3000

A4

0 m 40m 80m 120m 160m 200m



KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 1A6-3
Kommuneplantillæg 1A6-3

Ilanngussaq 4 Immikkoortumi Typehusit
Bilag 4 Typehuse i delområdet
Aggusti 2018 / August 2018
Utuut 1:3000 / Mål 1:3000

A4

Aappaluttoq /
Falurød
NCS 4941 Y79R



Aappaluttoq /
Mørk jernoxidrød
NCS 5536 Y81R



Sungaartoq /
Herregårdsgul
NCS S 2242 Y19R



Sungaartoq /
Guldgul
NCS S 2740 Y25R



Qorsuk /
Københavnergrøn
NCS S 7116 G37Y



Qorsuk /
Kromoxodgrøn
NCS 5433 G25Y



Tungujortoq /
Koboltblå
NCS 4539 R87B



Tungujortoq /
Per Hans Blå
NCS 6022 R82B



Tungujortoq /
Veronablå
NCS 3108 B75G



Qaqortoq /
Hvid Puds
NCS 0603 G95Y



Qasertoq /
Lysegrå
NCS 1000 N



Qasertoq /
Vitrolgrå
NCS 3705 Y01R



Suunera /
Bensort
NCS 9100 N



Qisuk tanne-
qanngitsoq /
Ubehandlet træ



KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq IA6-3
Kommuneplantillæg IA6-3

Ilanngussaq 5 Immikkoortoq IA6 Qalipaasersornerat
Bilag 5 Delområde IA6 Farvekoder
Agusti 2018 / August 2018